

PEKELILING PENTADBIRAN BIL. 7/2005

**KEMUDAHAN CUTI TANPA REKOD UNTUK ANGGOTA
PERKHIDMATAN AWAM YANG DILANTIK SEBAGAI JURULATIH
PROGRAM LATIHAN KHIDMAT NEGARA**

1.0 TUJUAN

Pekeliling ini dikeluarkan bertujuan untuk memaklumkan tentang kemudahan cuti tanpa rekod bagi staf Kolej Universiti Teknikal Kebangsaan Malaysia yang dilantik sebagai jurulatih Program Latihan Khidmat Negara (PLKN).

2.0 LATAR BELAKANG

2.1 Seperti mana yang sedia dimaklumi, Kerajaan telah memutuskan untuk melaksanakan Program Latihan Khidmat Negara mulai tahun 2004. Tujuan utama program ini dilaksanakan ialah untuk mengukuhkan semangat patriotisme di kalangan generasi muda Malaysia, memupuk perpaduan kaum dan integrasi nasional serta membentuk perwatakan positif melalui pembentukan nilai-nilai murni.

2.2 Oleh kerana Program Latihan Khidmat Negara memerlukan ramai tenaga kerja untuk dilantik sebagai jurulatih, maka Kerajaan telah memutuskan supaya mana-mana anggota Perkhidmatan Awam Persekutuan dan Negeri, Pihak Berkuasa Berkanun dan Pihak Berkuasa Tempatan yang layak atau memiliki kepakaran dalam sesuatu bidang tertentu boleh dilantik sebagai jurulatih.

- 2.3 Berdasarkan Pekeliling Perkhidmatan Bilangan 1 Tahun 2004 yang berkuatkuasa mulai 1 Oktober 2003, KUTKM boleh membenarkan mana-mana staf untuk dilantik menjadi jurulatih bagi Program Latihan Khidmat Negara.

3.0 PENGURUSAN PELAKSANAAN KEMUDAHAN CUTI TANPA REKOD UNTUK STAF KUTKM YANG DILANTIK SEBAGAI JURULATIH PROGRAM LATIHAN KHIDMAT NEGARA

- 3.1 Mana-mana staf KUTKM yang telah dilantik sebagai jurulatih dalam Program Latihan Khidmat Negara boleh diluluskan cuti tanpa rekod bagi tempoh-tempoh berikut :
- i) mengikuti kursus untuk jurulatih, dan
 - ii) menjalankan tugas sebagai jurulatih.
- 3.2 Tempoh cuti tanpa rekod yang boleh diluluskan oleh Ketua Jabatan masing-masing hendaklah mengikut tempoh sebenar program tersebut diadakan dengan tambahan sehari sebelum dan sehari selepas bagi maksud perjalanan, sekiranya diperlukan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah

HASAN BIN SIRUN
Pendaftar

sk Y.Bhg. Datuk Rektor
Timbalan Rektor (Akademik)
Timbalan Rektor (Pembangunan & Perancangan Korporat)
Pegawai-pegawai Kanan / Dekan